



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Traffic

Broj: 04-04-19718/20  
Sarajevo, 18.05.2021. godine

**KANTON SARAJEVO**  
**SKUPŠTINA KANTONA SARAJEVO**  
N/r Predsjedavajućeg Skupštine Kantona

**Predmet: Odgovor na zastupničko pitanje, dostavlja se**

Zastupnica Danijela Kristić, na nastavku 35. Radne sjednice Skupštine Kantona Sarajevo, održanom dana 28.05.2021. godine, u okviru tačke Dnevnog reda: Poslanička/zastupnička pitanja, inicijative i odgovori“ uputila je zastupničko pitanje Vladi Kantona Sarajevo:

**Pitanje:**

„Molim da mi se dostavi informacija u vezi primjene Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Sl.novine Kantona Sarajevo“, broj:21/19), te:

- Da li su svi navedeni organi javnog sektora uspostavili web stranicu kako je definisano odredbama člana 6. Navedene uredbe;
- Da li sus navedeni organi javnog sektora sproveli čl. 3 i 7 navedene Uredbe;
- Da li su resorna ministarstva Kantona Sarajevo izvršila nadzor nad oganima javnog sektora koji su pod njihovom ingerencijom;
- Da li je utvrđeno neprovođenje ove Uredbe i da li su izrečene kaznenene odredbe, ukoliko jesu za koji broj organa javnog sektora“.

**Odgovor**

Ministarstvo saobraćaja Kantona Sarajevo ima zvaničnu web stranicu izrađenu u skladu sa odredbama člana 6. Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Sl.novine Kantona Sarajevo“, broj:21/19).

Web stranica Ministarstva se redovno ažurira.


U skladu sa članom 3. Uredbe na web stranici ovog organa objavljuju se propisi i drugi akti iz oblasti saobraćaja, kao i drugi propisi koji se primjenjuju u postupcima koje provodi Ministarstvo.

Web stranica ima sadržaj propisan odredbama člana 7. Uredbe:

Aktivnu službenu e-mail adresu, broj telefona, broj fax-a i adresu, putem koje se građani i šira javnost mogu obratiti za bilo koju informaciju iz nadležnosti organa.

Nadalje, sadrži sadrži odjeljak/sekciju u kojem se nalaze svi propisi i drugi akti propisani Zakonom i ovom uredbom, odjeljak u kojem se objavljuju odgovori na postavljena pitanja zastupnika zakonodavnih i/ili predstavničkih tijela svih nivoa vlasti koja se odnosi na djelokrug rada organa javnog sektora.

Isto tako, na web stranici objavljuju se i pojedinačni akti koji nemaju karakter općeg akta:



- a) rješenja i odluke o odobravanju isplate svih vrsta naknada zaposlenim u organima javnog sektora;  
b) rješenja i odluke i svi drugi akti koji se odnose na provođenje postupka javnih nabavki, a sve u smislu odredbi člama 5. Uredbe, a u smislu odredbi člana 5. Uredbe.

Javnost rada Ministarstva ostvaruje se u skladu sa zakonom o slobodi pristupa informacijama u Federaciji Bosne i Hercegovine („Sl.novine Federacije Bosne i Hercegovine“, br.32/01 i 48/11, Uputstvom za provođenje Zakona o slobodi pristupa inforacijama u Federaciji Bosne i Hercegovine („Sl.novine Federacije Bosne i Hercegovine“, broj 57/01 )i Vodičem za pristup inforacijama Ministarstva saobraćaja Kantona Sarajevo kao i neposrednim pristupnom putem web stranice Ministarstva, uz obavezno poštivanje odredbi Zakona o zaštiti ličnih podataka („Sl.glasnik Bosne i Hercegovine“, br.49/06, 76/11 i 89/11-Ispravka) i Zakona o zaštiti tajnih podataka („Sl.glasnik Bosne i Hercegovine“, br.54/05 i 12/09).

U smislu člana 11.Uredbe Ministarstvo saobraćaja vrši nadzor nad primjenom Uredbe u KJKP „GRAS“ d.o.o. Sarajevo.

Na zahtjev Ministarstva saobraćaja, KJKP „GRAS“ d.o.o. Sarajevo je dostavilo Informaciju o primjeni navedene Uredbe ( dana 22.02.2021. godine) u kojoj se navodi da ovo preduzeće ima zvaničnu web stranicu koja sadrži sve podatke utvrđene članom 7. Uredbe, prije svega informacije vezano za djelatnost preduzeća da su na web stranici objavljeni opći akti za koje se smatra da mogu imati uticaja na javnost (Statut preduzeća, Etički kodeks, Pravilnik o posadi vozila svih vidova saobraćaja...), a tendencija je i objava ostalih općih akata koji su trenutno u postupku inovacije. Prema informaciji, u skladu sa uredbom na web stranici objavljuju se Izvještaji o o poslovanju preduzeća, Revizorski izvještaji kao i Planovi poslovanja preduzeća.

U istom aktu navodi se da se na web stranici preduzeća objavlju i pojedinačni akti: odluke o odobravanju isplate jednokratnih pomoći radnicima kao i pojedinačni akti vezani za javne nabavke, a koji se ujedno objavljuju na poratu Agencije za javne nabavke BiH i portalu Kantona Sarajevo.


Nakon analize dostavljenog akta, te uvida u web stranicu KJKP „GRAS“ d.o.o. Sarajevo konstatovano je da ista nije uređena u skladu sa odredbama člana 7. Uredbe, da nisu objavljeni opšti akti iz člana 3. Uredbe, a pojedinačni akti nisu ažurirani, ne primjenjuju se odredbe Zakona o zaštiti ličnih podataka Bosne i Hercegovine.

U smislu navedenog Ministarstvo je dana 09.04.2021. godine uputilo pismeni zahtjev KJKP „GRAS“ d.o.o. Sarajevo da službenu web stranicu uredi na način utvrđen u članu 7. Uredbe i to u roku od 30 dana od dana prijema ovog akta. Istim aktom ukazano je na posljedice neprimjenivanja ili nepoštivanja ove uredbe u smislu čl. 12. i 13. Uredbe.



Dostaviti:

- 1.Naslovu
- 2.Stručna služba Vlade
- 3.A/a



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

